

## **Dini Liebi isch uusgosse**

Dini Liebi isch uusgosse, isch diräkt i mis Härz ie gschosse  
Sie git Freud und macht so offe, und ich bin vo Dim heilige Geischt so richtig bsoffe  
Dini Liebi stillt min Hunger, sie nimmt Sorge und min Chummer  
Duldet vieles, haltet uus, sie glaubt und hofft und git niemals uuf

**Dini Liebi isch uusgosse, hät mich im tüüfschte Härz in troffe**  
**Dini Liebi laat mi hoffe, isch dur Din Geischt scho ewig gflosse**  
**Dini Liebi kânt kei Gränze, Dini Liebi isch uusgosse**  
**So viel meh, als ich chan dänke, willsch Du mir die Liebi schänke**

Dini Liebi isch so fründlich, isch bescheide muess nöd blöffe  
Muess nöd flueche, muess nöd motze, tuet gärn verzeihe und nöd ewig trotze  
Dini Liebi isch geduldig, sie versöhnt, macht niemert's schuldig  
Laat sich niemals la vergifte, isch für d'Wahrheit und tuet Friede stifte

**Dini Liebi isch uusgosse, hät mich im tüüfschte Härz in troffe**  
**Dini Liebi laat mi hoffe, isch dur Din Geischt scho ewig gflosse**  
**Dini Liebi kânt kei Gränze, Dini Liebi isch uusgosse**  
**So viel meh, als mir chönd dänke, willsch Du eus die Liebi schänke**